



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Johannis Strauchi[i] Jcti Amoenitatum Juris Canonici
Semestria duo**

Strauch, Johann

Jenae, 1675

Cap. XVII. Papa, servus servorum, ad prooem. Decret.

urn:nbn:de:hbz:466:1-10224

CAP. XVII.

Papa, servus servorum, ad proœm.
Decret.

S U M M A R I A.

- | | |
|---|-----------------------------------|
| 1. Proœmii inscriptio comparatur cum salutatione. | 3. Servi servorum prædicatum. |
| 2. Pontifices Domni, non domini. | 4. Papa cujus se servum agnoscat. |
| | 5. Papa Canonistis pro Deo. |

*Proœmii in-
scriptio
comparatur
cum saluta-
tione.
Pontifices
Domni, non
domini.*

Suspecta videtur P. Gregorio inscriptio Proœmii, ubi Gregorius IX. Dominus salutatur, qui mox in salutatione servus servorum indigitatur. Et suspicatur hunc honoris titulum ab editoribus processisse. Et certum est, Pontifices non Dominos, sed Domnos olim fuisse dictos, ut tradit Onuphrius Panvinius in interpretatione vocum Ecclesiasticarum, quæ obscuræ vel barbaræ videntur. Ita Epistolis Ivonis Carnutensis indigamentum Domni, quàm domini frequentius occurrit. Et testatur Albertus Krantzius *lib. 5. c. 34. 37. 38.* dum agit de pace & investituris concessis olim Imperatori, tunc summum pontificem, non sanctissimum Dominum aut patrem, sed Domnum fuisse appellatum. Profitetur itaque Papa se servum servorum, modestissimo titulo, sunt qui putent hoc prædicatum, ut nunc loquimur, à Gregorio IX. introductum. Alii Gregorio I. adscribunt. Dicunt se servos servorum, non quorumlibet, sed servorum Dei, nempe Petri & Pauli, ut sentit glossa *ad c. quoties 9.* ad verba: *Et per te: caus. 1. q. 7.* Nempe ut Apostolus Paulus se nuncupat servum Jesu Christi *ad Rom. 1. v. 1.* & Apost. Jacobus *c. 1. vers. 1.* Justinianus etiã servum se dixit ultimum Dei in *l. 1. de offic. Pref. potest. Afr.* Sic regnum suum nobilem servitutem Antigonus vocabat, ut refert *Ælian. 2. Var. hist. c. 20.* Sed mirari non nimis debuerat P. Gregorius, quod Papa vocetur dominus, cum & Deum appellari videas. *c. satis. dist. 96.* Et glossa *in cap. fundament. de Elect. in 6.* ubi cum in textu esset, papam nulli hominum subesse, ita subjungit Glossa: *Et hac in parte papa non est homo, sed Dei vi-*

arius. Papa est Deus in terris. Bald. in l. ult. C. sentent. rescin. Decius in c. 1. de Constit. Felin. in c. Ego N. de jurej. Et quod facit, facit ut Deus, non ut homo. c. Inter corporalia. De transl. Episc. Parisius conf. 63, n. 162. vol. 4. Papa est quoddam numen, & quasi visibilem Deum præ se ferens. Factum à Papa reputari debet factum à Deo. c. quant. de transl. Ep. Confer auctorem Bruti fulminis pag. m. 4. Papa est monarcha absolutus, Rex Regum, imò solus in Orbe Imperator, ait Marta in Epistolâ Romæ scripta ad Paulum V. solus Rex, solus Princeps, Vice Deus, omnipotentia præditus.

CAP. XVIII.

De Salutationibus, & apostolicâ benedictione, ad præcæm.

S U M M A R I A.

- | | |
|-----------------------------------|--|
| 1. Mos salutandi, & varii ritus. | 6. Apostolica benedictio. |
| 2. Salutabantur Dii. | 7. Prælati, quam formulam exigebant. |
| 3. Templâ &c. | 8. Major benedicit minori, non contra. |
| 4. Ave, salvè, valè. | |
| 5. Imp. in Rescriptis salutabant. | |

Gregorius IX. salutem & apostolicam benedictionem impertitur Scholaribus Bononiensibus. Mos fuit ferè omnium gentium benè precari iis, quibus scribebant & quos adibant. De vario veterum salutationis ritu tractat Antonius Guibertus in Polyhistore, cap. 3. Salutabantur Dii: Plautus *Bacchid. act. 2. sc. ult.* *Mos salutandi, & varii ritus.* *Salutabantur Dii.*

Deos atq; amicos iis salutatum ad forum.

Cicero pro Roscio Amerino: *Quod si luce canes quoque latrent, quum Deos salutatum aliqui venerint, opinor iis crura suffringantur.* Cato de R. R. c. 2. *Paterfam. ubi ad villam venit, ubi larem familiarem salutavit.* Salutabantur templâ & agri, ut Ovidius *lib. 3. Templâ &c. & 15. Metamorph.* ostendit, sed & Elephantos in Mauritania post solennem adgressionem sidus salutasse Plin. *lib. 8. Natur. hist. cap. 1.* scribit. Salutabatur patria ab his, qui ex aliquâ peregrinatione *salvi*